

# Wat sê die Bybel?

Hand 17:11 En hierdie mense (van Berea) was edelmoediger as dié in Thessalonika; hulle het die woord met alle welwillendheid ontvang en elke dag die Skrifte ondersoek of hierdie dinge so was.





# Weerleggende skriftuurplase vir die volgende argumente:

## (1) Almal sal mos gered word:

Mar 16:16 Hy wat glo en hom laat doop, sal gered word; maar hy wat nie glo nie, sal veroordeel word.

Mat 7:13 Gaan in deur die nou poort, want breed is die poort en wyd is die pad wat na die verderf lei, en daar is baie wat daardeur ingaan.

Mat 7:14 Want die poort is nou en die pad is smal wat na die lewe lei, en daar is min wat dit vind.

Luk 13:23 Toe sê iemand vir Hom: Here, is die wat gered word, min? En Hy antwoord hulle:

Luk 13:24 Stry hard om in te gaan deur die nou poort, want baie, sê Ek vir julle, sal probeer om in te gaan en sal nie in staat wees nie.

## (2) Daar is 'n tweede kans: (Na die dood)

Heb 9:27 En net soos die mense bestem is om een maal te sterwe en daarna die oordeel,

Gal 5:19 En die werke van die vlees is openbaar, naamlik ower-spel, hoerery, onreinheid, ongebondenheid;

Gal 5:20 afgodery, towery, vyandskap, twis, jaloersheid, toornigheid, naywer, tweedrag, partyskap;

Gal 5:21 afguns, moord, dronkenskap, brassery en dergelyke dinge, waarvan ek julle vooraf sê, soos ek al vroeër gesê het, dat die wat sulke dinge doen, die koninkryk van God nie sal beërwe nie.

Die rykman in Luk 16:19-31 het nie 'n tweede kans gehad nie. Vers 24: En hy roep en sê: Vader Abraham, wees my barmhartig en stuur Lasarus, dat hy die punt van sy vinger in wa-

ter kan insteek en my tong verkoel; want ek ly smarte in hierdie vlam.

(3) Ek moet eers beter word:

Jes 1:18 Kom nou en laat ons die saak uitmaak, sê die HERE: al was julle sondes soos skarlaken, dit sal wit word soos sneeu; al was dit rooi soos purper, dit sal word soos wol.

Jes 55:6 Soek die HERE terwyl Hy nog te vinde is; roep Hom aan terwyl Hy naby is.

Jes 55:7 Laat die goddelose sy weg verlaat en die kwaaddoener sy gedagtes; en laat hy hom tot die HERE bekeer, dan sal Hy hom barmhartig wees; en tot onse God, want Hy vergeef menigvuldiglik.

Heb 3:7 Daarom, soos die Heilige Gees spreek: Vandag as julle sy stem hoor,

Heb 3:8 verhard julle harte nie soos in die verbittering, .....

Heb 3:15 omdat daar gesê word: Vandag as julle sy stem hoor, verhard julle harte nie soos in die verbittering nie.

(4) Ek kan maar soos die wêreld wees en leef:

1Joh 2:15 Moenie die wêreld liefhê of die dinge wat in die wêreld is nie. As iemand die wêreld liefhet, dan is die liefde van die Vader nie in hom nie.

1Joh 2:16 Want alles wat in die wêreld is—die begeerlikheid van die vlees en die begeerlikheid van die oë en die grootsheid van die lewe—is nie uit die Vader nie, maar is uit die wêreld.

1Joh 2:17 En die wêreld gaan verby en sy begeerlikheid, maar hy wat die wil van God doen, bly vir ewig.

2Kor 6:14 Moenie in dieselfde juk trek saam met ongelowiges nie, want watter deelgenootskap het die geregtigheid met die ongeregtigheid, en watter gemeenskap het die lig met die duisternis?

2Kor 6:17 Daarom, gaan onder hulle uit en sonder julle af,

spreek die Here; en raak nie aan wat onrein is nie, en Ek sal julle aanneem;

Jak 4:4 Egbrekers en egbreeksters, weet julle nie dat die vriendskap van die wêreld vyandskap teen God is nie? **Wie dan 'n vriend van die wêreld wil wees, word 'n vyand van God.**

(5) Saligheid is nie vir almal nie:

Joh 3:16 Want so lief het God die wêreld gehad, dat Hy sy eniggebore Seun gegee het, sodat elkeen wat in Hom glo, nie verlore mag gaan nie, maar die ewige lewe kan hê.

1Joh 2:2 **En Hy is 'n versoening vir ons sondes, en nie alleen vir ons s'n nie, maar ook vir dié van die hele wêreld.**

1Tim 2:3 Want dit is goed en aangenaam voor God, ons Verlosser, 1Tim 2:4 wat wil hê dat alle mense gered word en tot kennis van die waarheid kom.

2Pet 3:9 Die Here vertraag nie die belofte soos sommige dit vertraging ag nie, maar Hy is lankmoedig oor ons en wil nie hê dat sommige moet vergaan nie, maar dat almal tot bekering moet kom.

(6) Jy kan nie weet jy is gered nie:

Joh 3:36 Hy wat in die Seun glo, het die ewige lewe; maar hy wat die Seun ongehoorsaam is, sal die lewe nie sien nie, maar die toorn van God bly op hom.

Joh 5:24 Voorwaar, voorwaar Ek sê vir julle, wie my woord hoor en Hom glo wat My gestuur het, het die ewige lewe en kom nie in die oordeel nie, maar het oorgegaan uit die dood in die lewe.

Rom 8:14 Want almal wat deur die Gees van God gelei word, dié is kinders van God.

Rom 8:15 **Want julle het nie ontvang 'n gees van slawerny om** weer te vrees nie, maar julle het ontvang die Gees van aanneming tot kinders, deur wie ons roep: Abba, Vader!

Rom 8:16 Die Gees self getuig saam met ons gees dat ons kinders van God is;

1Joh 1:9 As ons ons sondes bely, Hy is getrou en regverdig om ons die sondes te vergewe en ons van alle ongeregtigheid te reinig.

1Joh 2:3 En hieraan weet ons dat ons Hom ken: as ons sy gebooie bewaar.

1Joh 5:13 Dit het ek geskrywe aan julle wat glo in die Naam van die Seun van God, sodat julle kan weet dat julle die ewige lewe het en kan glo in die Naam van die Seun van God.

#### (7) Onderhou die wet:

Rom 3:20 aangesien uit die werke van die wet geen vlees voor Hom geregverdig sal word nie, want deur die wet is die kennis van sonde.

Rom 3:28 Ons neem dus aan dat die mens geregverdig word deur die geloof sonder die werke van die wet.

Gal 2:16 terwyl ons weet dat die mens nie geregverdig word uit die werke van die wet nie, maar alleen deur die geloof in Jesus Christus, selfs ons het in Christus Jesus geglo, sodat ons geregverdig kan word uit die geloof in Christus en nie uit die werke van die wet nie; omdat uit die werke van die wet geen vlees geregverdig sal word nie.

Gal 2:19 want deur die wet is ek vir die wet dood om vir God te lewe.

Gal 2:20 Ek is met Christus gekruisig, en ék leef nie meer nie, maar Christus leef in my. En wat ek nou in die vlees lewe, leef ek

deur die geloof in die Seun van God wat my liefgehad het en Homself vir my oorgegee het.

Gal 2:21 Ek verwerp nie die genade van God nie; want as daar geregtigheid deur die wet is, dan het Christus tevergeefs gesterwe.

Gal 3:10 Want almal wat uit die werke van die wet is, is onder die vloek; want daar is geskrywe: Vervloek is elkeen wat nie bly in alles wat geskryf is in die boek van die wet om dit te doen nie.

Gal 3:11 En dat niemand deur die wet by God geregverdig word nie, is duidelik; want die regverdigde sal uit die geloof lewe.

Gal 3:12 Maar die wet is nie uit die geloof nie, maar die mens wat hierdie dinge doen, sal daardeur lewe.

Gal 3:13 Christus het ons losgekoopt van die vloek van die **wet deur vir ons 'n vloek te word**—want daar is geskrywe: **Vervloek is elkeen wat aan 'n hout hang**—

Gal 4:4 Maar toe die volheid van die tyd gekom het, het God sy **Seun uitgestuur, gebore uit 'n vrou, gebore onder die wet,**

Gal 4:5 om die wat onder die wet was, los te koop, sodat ons die aanneming tot kinders kan ontvang.

Gal 5:4 Julle wat geregverdig wil wees deur die wet, is losgemaak van Christus; julle het van die genade verval.

(8) Alle mense is God se kinders:

Mat 13:37 En Hy het geantwoord en vir hulle gesê: Hy wat die goeie saad saai, is die Seun van die mens,

Mat 13:38 en die saailand is die wêreld. Die goeie saad—dit is die kinders van die koninkryk, en die onkruid is die kinders van die Bose,

Joh 8:44 Julle het die duiwel as vader, en die begeertes van **julle vader wil julle doen. Hy was 'n mensemoordenaar van die begin af en staan nie in die waarheid nie, omdat daar in hom**

geen waarheid is nie. Wanneer hy leuentaal praat, praat hy uit sy eie, omdat hy 'n leuenaar is en die vader daarvan.

Hand 13:10 Kind van die duiwel, vol van alle bedrog en alle listigheid, vyand van alle geregtigheid, sal jy nie ophou om die reguit weë van die Here te verdraai nie?

Rom 8:9 julle is egter nie in die vlees nie, maar in die Gees, as naamlik die Gees van God in julle woon. Maar as iemand die Gees van Christus nie het nie, dié behoort nie aan Hom nie.

Rom 8:14 Want almal wat deur die Gees van God gelei word, dié is kinders van God.

Rom 8:16 Die Gees self getuig saam met ons gees dat ons kinders van God is;

2Ti 2:19 Ewenwel, die fondament van God staan vas met hierdie seël: Die Here ken die wat syne is; en: Laat elkeen wat die Naam van Christus noem, afstand doen van die ongeregtheid

1Joh 3:8 Hy wat die sonde doen, is uit die duiwel, want die duiwel sondig van die begin af. Vir hierdie doel het die Seun van God verskyn, om die werke van die duiwel te verbreek.

1Joh 3:9 Elkeen wat uit God gebore is, doen geen sonde nie, omdat sy saad in hom bly; en hy kan nie sondig nie, want hy is uit God gebore.

1Joh 3:10 Hierin is die kinders van God en die kinders van die duiwel openbaar: elkeen wat die geregtigheid nie doen nie, is nie uit God nie, en hy ook wat sy broeder nie liefhet nie.

### (9) Doen goed as ek kan:

Jes 57:12 Ék sal jou geregtigheid bekend maak en jou werke, dat hulle jou geen voordeel bring nie.

Rom 3:24 en hulle word deur sy genade sonder verdienste geregverdig deur die verlossing wat in Christus Jesus is.

Rom 11:6 En as dit deur genade is, dan is dit nie meer uit die werke nie; anders is die genade geen genade meer nie. En as



dit uit die werke is, dan is dit nie meer genade nie; anders is die werk geen werk meer nie.

Efes 2:8 Want uit genade is julle gered, deur die geloof, en dit nie uit julleself nie: dit is die gawe van God;

(10) God sal my red as Hy wil:

Mat 18:3 en Hy sê: Voorwaar Ek sê vir julle, as julle nie verander en soos die kindertjies word nie, sal julle nooit in die koninkryk van die hemele ingaan nie!

Mar 1:15 en gesê: Die tyd is vervul en die koninkryk van God het naby gekom; bekeer julle en glo die evangelie.

Luk 13:3 Nee, sê Ek vir julle; maar as julle jul nie bekeer nie, sal julle almal net so omkom

1Tim 2:3 Want dit is goed en aangenaam voor God, ons Verlosser

1Tim 2:4 wat wil hê dat alle mense gered word en tot kennis van die waarheid kom.

Heb 3:7 Daarom, soos die Heilige Gees spreek: Vandag as julle sy stem hoor,

Heb 3:15 omdat daar gesê word: Vandag as julle sy stem hoor, verhard julle harte nie soos in die verbittering nie.

Jes 1:18 Kom nou en laat ons die saak uitmaak, sê die

HERE: al was julle sondes soos skarlaken, dit sal wit word soos sneeu; al was dit rooi soos purper, dit sal word soos wol.

(11) God is liefde en sal my nie hel toe stuur nie:

Mat 7:13 Gaan in deur die nou poort, want breed is die poort en wyd is die pad wat na die verderf lei, en daar is baie wat daardeur ingaan.

Mat 7:14 Want die poort is nou en die pad is smal wat na die lewe

lei, en daar is min wat dit vind.

Mat 7:19 Elke boom wat nie goeie vrugte dra nie, word uitgekap en in die vuur gegooi.

Mat 7:20 So sal julle hulle dan aan hul vrugte ken.

Mat 7:21 Nie elkeen wat vir My sê: Here, Here! sal ingaan in die koninkryk van die hemele nie, maar hy wat die wil doen van my Vader wat in die hemele is.

Mat 7:22 Baie sal in daardie dag vir My sê: Here, Here, het ons nie in u Naam geprofeteer en in u Naam duiwels uitgedrywe en in u Naam baie kragte gedoen nie?

Mat 7:23 En dan sal Ek aan hulle sê: Ek het julle nooit geken nie. Gaan weg van My, julle wat die ongeregtheid werk!

Mat 25:41 Dan sal Hy ook vir dié aan sy linkerhand sê: Gaan weg van My, julle vervloektes, in die ewige vuur wat berei is vir die duiwel en sy engele.

(12) Ek glo nie in onsterflikheid nie:

Mat 17:3 En kyk, daar verskyn aan hulle Moses en Elía in gesprek met Hom. (Wat honderde jare voor Christus geleef het.)

Joh 11:25 Jesus sê vir haar: Ek is die opstanding en die lewe; wie in My glo, sal lewe al het hy ook gesterwe;

Joh 11:26 en elkeen wat lewe en in My glo, sal nooit sterwe tot in ewigheid nie. Glo jy dit?

Joh 8:51 Voorwaar, voorwaar Ek sê vir julle, as iemand my woord bewaar, sal hy die dood in der ewigheid nie sien nie.

Luk 16:19-31 Die rykman en Lasarus.

(13) Eenmaal gered, altyd gered: (Kan nooit verlore gaan nie.)

Eseg 18:24 Maar as die regverdige afwyk van sy geregtigheid en onreg doen en handel volgens al die gruwels wat die goddelose doen—sal hy lewe? Aan al sy geregtighede wat hy gedoen het, sal nie gedink word nie; om sy troubreuk wat hy begaan het, en om sy sonde wat hy gedoen het, om hulle ontwil sal hy sterwe.

Eseg 18:25 Tog sê julle: Die weg van die Here is nie reg nie. Hoor tog, o huis van Israel! Is my weg nie reg nie? Is julle weë nie onreg nie?

Eseg 18:26 As die regverdige afwyk van sy geregtigheid en onreg doen, dan sterf hy ten gevolge daarvan; deur sy onreg wat hy gedoen het, sterf hy.

Psa 69:29 Laat hulle uitgedelg word uit die boek van die lewe en nie saam met die regverdiges opgeskrywe word nie.

Exo 32:32 Nou dan, as U tog maar hulle sonde wou vergewe! En so nie, delg my dan maar uit u boek wat U geskryf het!

Exo 32:33 Toe het die HERE Moses geantwoord: Wie teen My gesondig het, dié sal Ek uitdelg uit my boek.

Joh 15:6 As iemand in My nie bly nie, word hy uitgewerp soos die loot en verdroog, en hulle maak dit bymekaar en gooi dit in die vuur, en dit verbrand.

Teruggevalle persone wat nie weer na God teruggekeer het nie:

- a) Saul sterf as selfmoordenaar weens ontrou wat hy teen die Here begaan het, asook die woord van die Here wat hy nie gehou het nie, en omdat hy die gees van 'n afgestorwene om inligting gevra het. (1Kron 10)
- b) Demas wat Paulus verlaat het omdat hy die teenwoordige wêreld liefgekry het. (2 Tim 4:10)
- c) Judas wat een van die twaalf was, wat Jesus verloën het het nooit na God teruggekeer nie.

(14) Die Bybel is deur die mens geskryf:

2Pet 1:20 terwyl julle veral dít moet weet, dat geen profesie  
**van die Skrif ‘n saak van eie uitlegging is nie;**

2Pet 1:21 want **geen profesie is ooit deur die wil van ‘n**  
mens voortgebring nie, maar, deur die Heilige Gees  
gedrywe, het die heilige mense van God gespreek.

2Tim 3:16 Die hele Skrif is deur God ingegee en is nuttig tot  
lering, tot weerlegging, tot teregwyding, tot onderwysing  
in die geregtigheid,

2Sam 23:2 Die Gees van die HERE spreek in my, en sy  
woord is op my tong.

(15) Ek glo nie in God nie:

Rom 1:20 Want sy onsigbare dinge kan van die skepping  
van die wêreld af in sy werke verstaan en duidelik ge-  
sien word, naamlik sy ewige krag en goddelikheid, so-  
dat hulle geen verontskuldiging het nie;

Psa 10:4 Die goddelose, met sy neus in die hoogte, sê: Hy  
ondersoek nie: daar is geen God nie—dit is al sy gedagtes!

Psa 14:1 **Vir die musiekleier. ‘n Psalm van Dawid.** Die dwaas sê  
in sy hart: Daar is geen God nie. .... (Ps 53:2)

Joh 3:18 Hy wat in Hom glo, word nie veroordeel nie; maar hy  
wat nie glo nie, is alreeds veroordeel omdat hy nie ge-  
glo het in die Naam van die eniggebore Seun van God  
nie.

(15) Glo nie in fisiese opstanding nie:

Luk 24:5 En toe hulle baie bevrees word en met hulle aangesigte  
na die aarde buig, sê die manne vir hulle: Waarom soek  
julle die Lewende by die dooies?

Luk 24:6 Hy (Jesus) is nie hier nie, maar Hy het opgestaan. Onthou hoe Hy vir julle gesê het toe Hy nog in Galiléa was:

Mat 27:52 en die grafte het oopgegaan en baie liggame van die ontslape heiliges (Ou Testamentiese heiliges) het opgestaan.

Mat 27:53 En ná Sy (Jesus) opstanding het hulle uit die grafte uitgegaan en in die heilige stad ingekom en aan baie verskyn.

1Kor 15:13 As daar geen opstanding van die dode is nie, dan is Christus ook nie opgewek nie.

1Kor 15:14 En as Christus nie opgewek is nie, dan is ons prediking vergeefs en vergeefs ook julle geloof;

1Kor 15:16 Want as die dode nie opgewek word nie, dan is Christus ook nie opgewek nie;

## WAT IS BEKERING??

Ps 119:130 Die opening van u woorde gee lig; dit maak die eenvoudiges verstandig.

Hand 2: 37 Toe hulle dit hoor, is hulle diep in die hart getref en het vir Petrus en die ander apostels gesê: Wat moet ons doen, broeders?

Hand 2:38 En Petrus sê vir hulle: Bekeer julle, en laat elkeen van julle gedoop word in die Naam van Jesus Christus tot vergewing van sondes, en julle sal die gawe van die Heilige Gees ontvang.

Daar is 'n radikale verskil tussen bekering en wedergeboorte. Bekering is iets wat u/ek self doen. As ek bv. gerook het; sterk drank, dwelms en dagga gebruik het; gedobbel en lotto gespeel het; [**Jesaja 65:11** "Maar julle wat die Here verlaat, wat my heilige berg vergeet, **wat 'n tafel dek v ir die geluksgod en die mengsel inskink vir die**

**godin van die noodlot** "-]; gedans en "disco" toe gegaan het; gefliek het; gesteel, gevloek, gelaster, gelieg het, kwaad-gepraat en geskinder het; gehoereer het, owerspel gepleeg het of gesodomi-seer het (Gay); by fortuinvertellery betrokke was. [**Jes. 47:13** "Jy het jou vermoei met die menigte van jou planne; laat hulle tog optree en jou red - **die wat die hemel indeel, die sterre-kykers wat elke maand laat weet wat oor jou sal kom.**" ]

Sonde volgens **Rom 1:18-30, Gal 5: 19-21, en 1 Kor 6:10, ens.**

Dis wanneer ek besluit ek hou nou op en ek draai my rug op die sonde en doen dit nie meer nie. Dan hervorm ek my lewe. Dis egter nie wedergeboorte nie, maar 'n omdraai na God toe. [**Jak 4:4** "Egbrekers en egbreeksters, **weet julle nie dat die vriendskap van die wêreld vyandskap teen God is nie? Wie dan 'n vriend van die wêreld wil wees, word 'n vyand van God.**" ]

[**Rom 12:2** "En word nie aan hierdie wêreld gelykvormig nie, maar word verander deur die vernuwing van julle gemoed, sodat julle kan beproef wat die goeie en welgevallige en volmaakte wil van God is." ]

[**1 Joh. 2:15** "Moenie die wêreld liefhê of die dinge wat in die wêreld is nie. As iemand die wêreld liefhet, dan is die liefde van die Vader nie in hom nie.

**1 Joh 2:16** Want alles wat in die wêreld is—die begeerlikheid van die vlees en die begeerlikheid van die oë en die grootsheid van die lewe—is nie uit die Vader nie, maar is uit die wêreld.

**1 Joh 2:17** En die wêreld gaan verby en sy begeerlikheid, maar hy wat die wil van God doen, bly vir ewig." ]

## U MOET U SONDE BELY EN LAAT STAAN!

Rom 10:9 As jy met jou mond die Here Jesus bely en met jou hart glo dat God Hom uit die dode opgewek het, sal jy gered word;

Rom 10:10 want met die hart glo ons tot geregtigheid en met die mond bely ons tot redding.

1 Joh 1:9 As ons ons sondes bely, Hy is getrou en regverdig om ons die sondes te vergewe en ons van alle ongeregtigheid te reinig.

ONS KAN DEUR GEEN ANDER NAAM GERED WORD NIE.

Hand 4:12 En die saligheid is in niemand anders nie, want daar is ook geen ander naam onder die hemel wat onder die mense gegee is, waardeur ons gered moet word nie. [Naamlik Jesus]

SY BLOED ALLEEN KAN ONS REINIG VAN ONS SONDES.

1 Joh 1:7 Maar as ons in die lig wandel soos Hy in die lig is, dan het ons gemeenskap met mekaar; en die bloed van Jesus Christus, sy Seun, reinig ons van alle sonde.

Open 1:5 (b) ..... Aan Hom wat ons liefgehad het en ons van ons sondes gewas het in sy bloed

Tussen die hemel en die hel is daar 'n kloof - die kloof van die ewigheid. Hierdie kloof is onoorbrugbaar. Maar tussen die hemel en die aarde is ook 'n kloof - die kloof van tyd. Hierdie kloof is oorbrug deur Jesus Christus; en Hy sê nou aan jou: Doen vandag nog die oorgang. Mōre het die tyd jou dalk oor die yslike diepte in die hel geslinger van waar jy nie eers 'n boodskap kan oorsein nie. (Lukas 16:19-31) [Onuitbluslike vlamme van die hel.]

AS ONS Sê DAT ONS NIE GESONDIG HET NIE.

1 Joh 1:8 As ons sê dat ons geen sonde het nie, mislei ons onself en die waarheid is nie in ons nie.

1Joh 1:10 As ons sê dat ons nie gesondig het nie, dan maak **ons Hom tot 'n leuenaar en is sy woord nie in ons nie.**

Rom 3:23 want almal het gesondig en dit ontbreek hulle aan die heerlikheid van God,

JESUS Sê U MOET WEERGEBORE WORD UIT WATER EN GEES.

Joh 3:3 Jesus antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk (hemel) van God nie sien nie.

Joh 3:5 Jesus antw.: Voorwaar, voorwaar Ek sê vir jou, as iemand nie gebore word uit water [Gr Hudatos] en Gees nie, kan hy in die koninkryk van God nie ingaan nie.

### DIE DOOP VAN JESUS

Mat 3:13 Toe het Jesus van Galiléa na die Jordaan, na Johannes gekom om deur hom gedoop te word.

Mat 3:14 Maar Johannes het Hom ernstig teëgegaan en gesê: Ek het nodig om deur U gedoop te word, en kom U na my toe? [U gaan voor 'n groot gedoopte Jesus verskyn.]

Mat 3:15 Maar Jesus het geantwoord en vir hom gesê: Laat dit nou toe, want só pas dit ons om alle geregtigheid te vervul. Daarna het hy Hom toegelaat.

Mat 3:16 En nadat Jesus gedoop was, het Hy dadelik uit die water opgeklim, en meteens gaan die hemele vir Hom **oop, en Hy sien die Gees van God soos 'n duif neerdaal en op** Hom kom.

Mar 16:16 Hy wat glo en hom laat doop, sal gered word; maar hy wat nie glo nie, sal veroordeel word.

Grieks vir doop = Baptizo = ingesluit, onderdompel, oorweldig, oordonder. Baptizo verskyn 77 keer in die Nuwe Testament.

Amos 4:12 (b) ..... -maak jou klaar om jou God te ontmoet,...



# SKRIFTUURPLASE

## BEKERING

Rom. 2:4  
Rom. 3:21-23  
Rom. 6:23  
Rom. 10:8-13  
1 Tim 2:3-6  
Matt. 11:28  
Jes. 1:18  
Jes. 55:1-8  
Luk. 5:32  
Hand. 2:37-38  
Hand. 3:19  
Hand. 17:30-31  
Joh. 1:2  
Joh. 3:3-5  
Joh. 16:36  
Esegiël 18:19-21,  
27-32  
Esegiël 33:11  
1 Joh 1:8-10  
Heb. 10:26-31

## DOOP

Matt. 28:19  
Matt. 3:6-8 , 11,  
15-16  
Mark. 16:15 & 16  
Rom. 10:17  
Luk. 7:29-30  
Joh. 3:3-5  
1 Pet. 3:21  
Hand. 8:12, 35-39  
Hand. 2:37-41  
Hand. 16:30-34  
Hand. 18:8  
Hand. 19:2-5  
Hand. 22:16  
Titus 3:5  
Rom. 6:4  
Kol. 2:11 & 12  
Joh. 3:22 & 23  
Mark. 1:4-5, 10  
Luk. 3:21-22

## DIE EWIGE HEL

Matt. 25:41 & 46  
Matt. 18:8-9  
Matt. 5:28-29  
Matt. 10:28  
Matt. 8:12  
Mark. 9:43-48  
Luk. 12:4,5  
Luk. 16:19-28  
Jes. 66:24  
Dan. 12:2  
Openb. 14:9-11  
Openb. 20:11-15  
Openb. 21:8  
Openb. 22:15  
2 Thes. 1:8-9



Maak jou klaar om jou God te ontmoet.  
Amos 4:12 (b)

Tussen die hemel en die hel is daar 'n kloof - die kloof van die ewigheid. Hierdie kloof is onoorbrugbaar. Maar tussen die hemel en die aarde is ook 'n kloof - die kloof van tyd. Hierdie kloof is oorbrug deur Jesus Christus.

Hand 4:12 En die saligheid is in niemand anders nie, want daar is ook **geen ander naam (Jesus Christus)** onder die hemel wat onder die mense gegee is, **waardeur ons gered moet word nie.**

Rom 13:11 En dit te meer, **omdat ons die tydsomstandighede ken, dat die uur vir ons reeds daar is om uit die slaap wakker te word**; want die saligheid is nou nader by ons as toe ons gelowig geword het.

Rom 13:12 **Die nag het ver gevorder en dit is amper dag.** Laat ons dan die werke van die duisternis aflê en die wapens van die lig aangord.

Rom 13:13 Laat ons welvoeglik wandel soos in die dag, nie in brassery en dronkenskap, nie in ontug en ongebondenheid, nie in twis en nydigheid nie.

Rom 13:14 Maar beklee julle met die Here Jesus Christus, en maak geen voorsorg vir die vlees om sy begeerlikhede te bevredig nie.

Maranata!!!  
Jesus kom spoedig terug!!!

Saamgestel deur:

Past Willie Horne  
Posbus 872  
KLEINBRAK  
6503

(044) 696-5891

Epos: [konanja333@gmail.com](mailto:konanja333@gmail.com)

Indien u enige berading, geestelike hulp of gebed benodig, kan u ons kontak by bogenoemde kontak besonderhede.

Die Here seën U !!!



As ons ontmoet en jy vergeet ons, het jy niks verloor nie, maar as jy **Jesus Christus** ontmoet het en jy vergeet **Hom**, het jy alles verloor.

